

道書集成

九洲圖書出版社

祭煉心咒

附

吳興金蓋山人閔茗莖註釋

按此心咒。傳自薩祖。用于五言玉章經後。爲法家之寶秘。法用白米七粒。書滅罪超升四字。畢。蓋以薩祖心印。鐵師諱太乙諱太乙心印元始金書玉皇玉篆畢。以青靈訣對米虛書念此咒不計遍。以粒粒放光爲度。收貯鐵罐之中。每夜取以祀孤。其功最大。或放于鐵罐之蓋。蓋有七星孔。行持者啟師竣。跌坐觀想。默持五言玉章經。存諸靈爽。附魂法粒。自能走入孔內。如七粒俱下。則爲得度南宮上生。

天界若止一粒二粒三粒。不過罪業已消。生入人天。若有四粒五粒六粒。則生八十善人。天必得富貴大善之身。去仙不遠。故一晚不效。則行持不已。或行至四十九夜。八十一夜之久。未有不得奇效者也。其鐵罐有一定之式。另詳鐵罐煉科。茲不之載。其咒文向無註釋。茲亦不敢盡泄。但于每句下畧註一二。使持之者。知蘊有口工耳。

唵。

唵音菴。此字宜存哀憫之心而出之。其音引長。必若有所現焉。乃已。故此字惟首遍用之。餘則七遍一加。九遍一加。

而已。

唆囉脩

唆音進。一音淨。囉音拉。一音來。一音賴。脩一如字讀。一音收。一音秀。各有口訣存焉。其大旨存彼諸靈端肅前進之義而已。則以慈光接引而來之義。

唆囉修

唆音益。一音是其大旨。誥彼諸靈互相懺除夙業之義。唆者翼也。互相懺除貌。已則以慈光照燭之。有如一輪明鏡。然令彼諸靈就前自照。則有互相懺悔之良心發現焉。

修囉吽

慰詞也。亦獎詞也。存爲開除刑具。錫以衣食。或施之丹藥。療其疾病。存彼諸靈。各完天賦。歡喜受度之貌。

波露吒

示以性海也。存彼諸靈於中沐浴。而懸聖日。聖月以燭之。

華露吒

示以心法也。存彼性海。透生無量五色蓮華。發無上心香。諸靈見之。各各了悟。騰身華中。各各趺坐。

眞靈吉帝吒

吒。作槎字義。會蓋真靈者。卽指諸靈心已了悟。已非鬼類也。故以真靈呼之也。是證盟之詞也。吉帝吒者。猶曰太乙慈航也。卽指上句所現之心華是也。至此須存升送之意。存上蓮華枝。枝直透馭雲馭風。上昇空際。漸化一片絳雲。騰升無際之象。

麻陀

麻者。眾合之貌。陀者。光明圓足之象。言惟見彼諸靈化成一團明晃晃光燦燦。直升霄漢間。至此微以意直送升之。已則寂然良久乃止。此其大畧如此。

按此心咒科本不之載。世世口傳五百年于茲矣。或于此咒續以變衣變食諸咒。輕雲子以爲倒置。不可從。故不之錄。非秘也。其神效之源。在能誠持玉章經。欲習是科者。須先誠持玉章經十萬八千遍。則行持時此咒一誦卽靈。不過百十遍。觀想旣週。便可勿持也。

雨香天心咒註跋

西竺心宗一百一代裔孫閔真仙謹述僭釋密部秘句畧曰
非敢妄釋其來有自曩蒙我師野怛婆闍奏授伽陀雷司心
竟有云按我本宗經典文皆梵體韻悉梵音薄伽梵佛憫世
非一風土不同宣授難普授猶不授乃開隨方翻譯一例一
例之中遺有字音俱翻如世三藏經文字音不翻如藏梵筴
或有翻音不翻字如藏卍等更有推而卽文卽義以會以貫
者蓋以字乃心文音乃心韻箇中玄妙自可普會而神領如
來宗旨所宗者心竊體之統以授付震旦世生閔給名真仙

以承心宗是爲後派一代爰肅奏聞伏望如來不違本誓終始護念云真仙承之曾爲翻譯智慧真言密迹神咒大悲持世二經陀羅尼自知秉授凡劣何敢認妄爲真往昔所釋寔仁者見仁而已茲因門下取以壽梓爰述其畧于右見者諒之真仙幸甚焉道光甲午仲冬望日謹跋

碧苑壇經目錄

卷首

心法眞言

皈依三寶

懺悔罪業

附懺悔發願文

卷上

卷下

斷除障礙

闡教宏道

捨絕愛緣

濟度衆生

戒行精嚴

智慧光明

忍辱降心

神通妙用

清淨身心

了悟生死

求師問道

功德圓滿

卷中

卷末

定慧等持

叅悟玄機

密行修真

後附清規玄妙

報恩消災

立志發願

印證效驗

保命延生

碧苑壇經卷首

大清高士全真演教龍門承律第七代祖師王常月演

第八代戒子施守平纂

第十一代宗裔閔一得訂

心法真言

康熙二年歲在癸卯十月之吉崑陽子說戒於金陵碧苑謂
凝真子邵守善扶搖子詹守椿曰余自髫年慕道識透浮生
不實幻境無常要免輪迴蚤修至道但崆峒雖近廣成子未
許相逢蓬島非遙凡夫身安能得到務必遠離污染掃盡塵

埃滌蕩心胸。潔涓志慮。消磨結習。而俗念如灰。洵沃慾身。而妄根截斷。諸緣頓息。俱從戒定中。一步步行來。萬慮歸空。悉自智慧裡。一層層看到。撥得開。則拏得定。看得透。則忍得來。是以豎起眉毛。手掣割情刀子。放開脚步。直登渡世船兒。翻身則解脫輪迴。轉念則超離羅網。悲心不泯。古云。自度渡他。慈願常存。我欲自度渡彼。記得昔年尋真訪道。曾忝王屋。得遇明師。上蒙三寶之洪恩。親聞法寶。下仗一身之膂力。苦行修身。皈依無上法王。行持大乘妙道。當逢

盛世。安樂清平。萬劫難聞。千生罕見。敢不闡揚三寶。答報四

恩少盡消埃之願。聊輸方寸之明。是以不忘僭妄之愆。開壇說戒。莫避笑譏之謗。演教談經。非關好事沾名。祇爲闢邪解惑。天律不容綺語。至道惟在直言。謹將龍門第七代家風。告諸大衆。敬錄碧苑一腔直話。普利人天。不敢虛文。何妨實說。今將授汝。正以接引愚迷。闡明正法。若夫上乘法器。明眼高人。則貧道下風有幸。正欲請慈領教。以印証其所聞。貧道之願也。二子聞是訓。已作禮而退。東西序立。于是廣陵戒弟子施守平稽首頌曰。法原無法。因心有心。本無心爲法空。心現法王。心現相。法皈心。主法皈空。要明定法。非圓相。須悟凡心。

卽聖心。心法法心心法法。法心解脫是知音。

皈依三寶

三寶者。道經師也。道本虛空。無形無名。非經不可以明道。道在經中。幽深微妙。非師不能得其理。若不皈依三寶。必致沉淪邪道。顛倒昏迷。凡修真學道之士。志心皈命者。須作難得。遭逢之想。第一皈依無上道寶。當願衆生。常侍天尊。永脫輪迴。第二皈依無上經寶。當願衆生。生生世世。得聞正法。第三皈依無上師寶。當願衆生。學最上乘。不落邪見。此三皈依。乃背之聖賢。度人入道。第一步上昇之路。第一重入德之門。成

仙成道成聖成賢莫不從此三皈依起首何以故蓋性命生死大事因緣微妙秘密難可見聞最上一乘解脫妙法若無師真垂慈開示引誘靈機安能頓悟大乘正宗漸入虛無妙道而不致墮落邪見錯入旁門也耶所以未能明道之士先皈依經未能明經先皈依師若能皈依師寶則經寶可聞於不聞之中能聞經寶則道寶可見於不見之際昔日之不可見不可聞者一旦豁然貫通皆由皈依師寶之力也自然解悟真文得明正法超脫生死不落輪迴但我所說皈依三寶法門須要皈依真三寶何以故大衆如今三皈依視爲泛常

早晚在聖像之前。口誦禮拜而已。並不曾嚼破皈依端的。爲何而來。故爾畢竟沉迷邪法。不免輪迴。如何得明大道。得脫生死哉。所說眞三寶者。皈依意。使念無生滅。則道寶可得而明。皈依心。使機無障礙。則經寶可得而悟。皈依身。使眼無見耳無聞。鼻無嗅。舌無嘗。手無妄動。足無妄行。不染邪淫污濁。躬行苦行。勞其筋骨。餓其肌膚。度其肢體。舍其形骸。則師寶可得而感矣。有能感動師。慈傳經授道者。必自己皈依自己之身心意。爲眞三寶也。我身之耳目。未能忘其見聞。非迷于色。卽著于聲。聲色尙存。則身非眞矣。非眞何以感師。苟能持